

# OMUKWETU

Registered at the General Post Office as a Newspaper

15c

## Otse aatumwa peha lyaKristus

Aasamane naakulukadhi otaa dhigile omahodhi momeho, aagundjuka otaa tanta yo taa li-gola - ayehe oya tsa kumwe - otaa thiminikwa kenyanu. Shika osho sha li tashi dhi-mbululwa mokati kengathithi enene lyaakwanegongalo ya ELOK mOngwediva, omasiku ngaka sho pwa ningwa oshituthi sheyapulo lyaasitagongalo aape.

Oshituthi osha dhanenwe mesiku eti 12 Juli 1981, sho aasitagongalo aape ya-6 ya yapulilwa oshilonga shuusita mongeleka ya ELOK.

Omwa thikama mpaka mu ninge aakalelipo yaKristus mu ELOK.Noshilonga shomukalelipo osho:-

- okupopila epangelo ndyoka e lile po nota longele
- oku li tseyitha kuyalwe yomiigwana yilwe
- okukwatakanitha nokuhanganitha yalwe noshilongo shaandjawa.

Shika osho oshilonga sheni tashi ka kala oshinene noshidhigu.Otandi mu kumagcidha mu dhiginine okukala mekwatathano naKalunga, ngaKristus a li a kala mekwatathano nahe.Eva-ngeli otali ke mu etela uudhigu notali ke mu tonditha . Omu na eha edhigu okukala peha lyaKristus.Ihe Kristus Oye omupopili gweni nogywoshilonga she. Ehempululo lyeni olyo ndika: "OTSE AATUMWA PEHA LYAKRISTUS", osho omumbisofi Kleopas Dumeni gwongeleka ya ELOK ngoka a yapulile aasita e ya lombwele mepopitho lye.

Okuza omumvo 1925 aasita mongeleka ndjika sho ya tameke lwotango okuyapulilwa moshilonga shika, sigo onena aanashilonga mbaka otaa taambwa momagongalo monkalo yu udha oondigolo nomahodhi taga tika momeho omolwenyanu.Sigo onena omahala ogendji mongeleka ndjika inaga kuthwa enota lyago nondjuulukwe yokumona aasita nonando Ongeleka oyi na aasita 113 mboka ye li miilonga meni nopondje. Mboka ya pewa omusita megongalo lyawo, ohaa ita kutya yo aanelago shili.

"Mtuleni tu yeni tu ke ku tule.Egumbo oko li li.Ongeleka oko yi li.Epya oko li li ..... Mboka yokegongalo epeepee pokati kOkalongo nOnawa, lya lukwa, Ewaneno, osho ya li taa imbi nokutanta nenyanyu sho ya taamba omusita gwa omupeepee Julius Mtuleni.

Oshituthi shono omuntu to vulu oku shi luka kutya "oshituthi shongeleka shopaumwene" osha , li sha ningilwa mumwe noshituthi shEtumo noasha li sha kalwa musho uule wootundi konyala 5. Musho inamu hilyilwa nando omuyenda GUMWE a za pondje nenge meni lyoshilongo palwe.Nopafatululo lyomumbisofi gwa ELOK,shika osha ningwa nowino.

# Nani pwa piti omimvo 10 !

Efatululo lya ningwa kongeleka onkwaevaangeli paLuther yomOwambokavango, nongeleka onkwaevaangeli yomu SWA, mokudhimbulukwa oomvula 10 dha piti po sho ombapila yomontaneho ya nyolelwa Ominisiteli yotango ya SA omusamane B.J.VORSTER mesiku eti 30 Juni 1971.

Mesiku 30 Juni 1971, konima yoomvula 10, ELOK na ELK odha nyolele oministeli yotango ya SA pethimbo ndiyaka omusamane B.J.Vorster ombapila yomontaneho. Mombapila ndjoka oongeleka ndhika 2, odha holola ehalo lyadho "Mekwatathano netokolo lyohofa yuuyuni nome-longelokumwe niigwanahangano moka SA e li oshilyo, ya ti: "Epangelo lyoye nali konge ekandulepo lyomukundu pambili lyo nali tale nkene uuthemba womuntu tau tulwa miilonga na SWA li kale oshilongo shi ithikamena nosha manguluka".

Nonando opwa ningwa omatokolo nomautho ogendjigendji kiigwanahangano na SA, nosho wondo pwa kala omupopyo gwa dhiginina kutya Aanamibia oyo yene taa utha onakuyiwa yawo, oomvula 10 odha piti po no inaapu pulwa nando ompito yokuninga etokolo lya tya ngaaka yoyene.

Nale nokuli 1976, Oraata yEgamenno yIigwanahangano pashitokolitho shawo 385, oya pula ku ningwe ehogololo lya manguluka nolyopauyuuki muNamibia mewiliko nometonatelo lyIigwanahangano. Okuza kesiku ndyoka onkalo yiita muNamibia oya kala tayi nayipala noonkondo. Aantu yomuNamibia oya kala oshidhanitho monkalo ya tya ngaaka, nomathele ogedji yomuyo, eeno, omayovi nokuli, otaa dhipagwa nonkalo ndjoka ya ningi onkalo yiita.

"Tse otatu koleke noonkondo adhihe omakankameno ngoka ga kuthwa kOngundu Ompitithi yOraata yoongeleka muNamibia okutameka 15.1.1981. Tse otu uvite unene kutya uunima uushona ngaashi mekwatathano nokugama ombinga nenge okwaagama ombinga kayi na okuziminwa yi yonagule onkuyiwa yombili yoshigwana shetu nonkambadhala kehe tayi vulika nayi ningwe okukandula po iinima ya tya ngaaka."

Oonkundathana dhaa na ehulilo ngaashi muunina mbuka uushona otadhi lelepeke ashike uudhigu wolela nomahepeko gaantu yetu, oshoka otadhi taneke omwaalu gwaantu yetu mboka taa si omolwiita.

Natango tuu otatu ningi eindilo kepangelo lya SA melongelokumwe na UN ngaashi twa ningile konima yoomvuala dha pita okugandja ompito kAanamibia ya uthe onakuyiwa yawo yene tashi pitile mehogololo lya maguluka nolyopauyuuki.

Inaku ziminwa nando kutya uumbanda okutila oshizemo shehogololo lya tya ngaaka ndyoka tali ka ulika puuyeleele ehalo lyaantu li yuge oshigwana ompito yokuutha uutemba wawo. Tse otatu tsikile okuhiya iilyo o yoongeleka dhetu naakriste ayehe ya tsikile okugalikana, opo pu holoke uuyuuki nemanguluko lyolela moshigwana nomoshilongo shetu.

# "TAULUKILA OKU U TU KWAFE"

Oshiwana hashi endaenda momilaulu, osha mona ouyelele muhapu. Nava kwa hava kala momudidimbe wefyo, pafa ouyelele tau va yeleele.

"Olyelye ou handi mu tumu, na olyelye te tu ile ko"?; Jes.6:8. Ondaka yaKalunga oya udika tai pula ovakwaunyuni kombada yedu e na epulo linene. Itashi ti Kalunga ota pula ehe wete ou ta tumu, ndele okwa hala omunhu a nyamukule kuye mwene. Adam naEva ova uda ondaka yaKalunga ndele inava nyamukula. Abraham oye a nyamukula tete epulo eli eshi a uda ondaka yaKalunga nokwa hovela oshilonga shEtumo movaKaanana eshi ye a hovela okulongela Kalunga kashili mokati kovapaani.

Vahapu vomu ELOK ova uda ondaka ei: Olyelye ou handi mu tumu, olyelye te tu ileko. Ofye ohatu pulwa epulo eli mefiku eli letumo opo tu, li nyamukule ngaashi Abraham. Oku na oiwana ili momulaulu tai ku ifana tai ti: Taulukila oku u tu kwafe. Fiyonena eisho laKalunga otali tale oiwana ili mol uhupo tai kuwaana ya yuka mefyo molwashi inava shiiva eedjovo di shi okupopiwa ile odo tadi tukana.

Oiwana yetu dingilila i li moluhupo tai kuu ekwafo, ngaashi o kaimbilo taka ti:

"Moluhupo mevi lyaalunde, Meloolo lyaIndia wo, Nokevi ly'Eskmo nkuya, Nokooaha dhuuyuni, Kwa uvika kun'elilo, Netakumo lyaantu oombo, Taa si taa ningine muya, Mu nelilagano.

Osha yela kutya ope na ovanhu tava fi i nava shiiva nava ehala laKalunga, notava pumbwa ekwafo loye u va pukulule u va alule mekano. Pwilikina olumhanda lovanhu tava fi inava shiiva Kalunga, notava ningine mo nope he na elilaano nolunhanda.

Omena otu li apa tu nyamukule epulo laKalunga. Olyelye ou handi mu tumu, na olyelye te tu ile ko? ELOK owa ngudumana apa opo u nyamukule epulo eli. Otwe ya okuteelela ELOK noku mu findikila kokanyofi ile tu mu findikile keluwa opo a ete ounona eshi a ninga eedu la nhe meteelelo.

Pafa oku li nee mokanyofi ta dala ava tava ka nyamukula epulo eli. Ovalumenhu nye epulo laKalunga ole mu yukilila nena moipafi yongudwe ye mu dingilila. Otu na oiwana ili moluhupo ya pumbwa ekwafo leni. Onda tala etumo omu mu ELOK ola fa li li pokuxula, osheshi ovapaani ove li pokuxula po. Neefikola domashasho oda pumba pafa. Otu li ponghatu oyo ELOK ta yelula omesho aye nokutala poushiinda. Okayoka, Angola poushiinda omesho a ELOK ota va vandamene ko. Ovatumwa va hokololwa apa ova longa oshilongashavo, eshi va hangele oshiwana eshi shi li momulaulu washo. Onghee ovo naanaa va wana okutumbula etumbulo eli kutya: Oshiwana hashi endaenda momulaulu osha mona ouyelele muhapu, naava va kala momudidimbe wefyo, ouyelele otau yeleele mo. Molwaashi ova hangele omifitu nomilaulu doupaani fokofoko.

Onye oilongifo yaKalunga mwa yoololelwa nena okuxumbata edina laKalunga noku li twala nounyuni aushe. Nyamukulenihano omapulo aa: Olyelye ou handi mu tumu? Olyelye te tu ile ko?

# Ombilive ya za mOngwediva

Osikola yOmbimbeli

ONGWEDIVA

22 Juni 1981

Omusimanekwa

EINDILO NESIMANEKO U KALE MEKWATATHANO NOSIKOLA YOMBIMBELI MONGWEDIVA.

Epangelongeleka lyongeleka ya ELOK olya utha Osikola yOmbimbeli yi kale mOngwediva. Otayi taamba aagundjuka naakuluntu, shaa tuu ngoka e shi okulesha nokunyola. Aalongwa omulongo nayatano otaa gwana momaha ngoka ge li po. Otaa longwa oomwedhi hamano, notapu taambwa ishewe aalongwa aape.

Osikola ndjika yombimbeli oya tamekwa mesiku lyotango lyaApilili 1981. Nuumvo Osikola ndjika oya fanekelwa R2000,00 omolwiikulya. Otwa pewa omagano iilya megongalo limwe oolata 5 nomakaka gomboga 20.

Iimaliwa ya tumbulwa metetekelo otwe yi longitha mokulanda: iihakautu, uusila wepungu, osuuka, olwishi, onyama nomagadhi noompumbwe oonkwawo dhosikola. Ayihe mbyoka iikwasitola, oshoka iilya oya pumba. Methimbo lyoomwedhi okuza Apilili sigo Juni otwa longitha iimaliwa R1500,00.

Osikola yOmbimbeli otayi hedha kungoye nesimaneko neindilo u kale mekwatathano nayo, u yi kwathe naashoka to vulu oku yi kwathitha. Ngaashi: iilya, uusila wepungu., iihakautu, osuuka, onyama, nenge iimaliwa tu ilandele sha nayo.

Gumwe gwomookuume, okwe tu kwatha oshipakete sholwishi noshomagadhi gosolo. Oohapu dhomuwa otadhi ti: Kalunga ta vulu oku mu indjipalithila esilohenda kehe, mu kale mu na miinima ayihe aluhe ashike shoka mwe shi pumbwa, mu ninge aayamba yiilonga iiwanawa. 2Kor.8:8.

Nomakundilo gombili  
Efraim Angila  
Omukuluntu gwOsikola yOmbimbeli  
ONGWEDIVA.

DHA ZA KEPANDJA ETI 1

Okuza ngaa petameko sigo opehulilo lyoshituthi, aakriste pamwe negongalo lyaNgwediva oya kala megundjilo eku mithi taa tala shono tashi ningwa po. Aapopi aanene yoshituthi oya li omutonatelishitayingeleka omusita Filippus Shikomba, nomwoopaleki gwelaka lyOmbimbeli tatekulu Jason Amakutuwa.

Etumo meni nopo ndje yoshilongo osha tumbulwa nomuthind o momakutsi gaapulakeni.

"Kapu na Ongeleka nge le kapu na tango etumo. Otatu popi nena kutya otu na ongeleka, onkee otu na wo okupopya etumo", osho omumbisofi Dumeni a tumbulile aayapulwa--.

Omuyapulwa Veikko Munyika okwa etele oshituthi ohapu yevaangeli yesiku ndyoka. Julius Mtuleni okwa tumbula sha peha lyaayapulwa ooyakwawo, moka a pandula Kalunga kwaashike shoka ye shi ningilwa.

GUMWE GWOMOONTAALIIHO

## **Vadinkantu noukriste**

Vadinkantu nsene ezuva lyosipito kuka-  
ra vana li wapaikire.Nsene tudi zina siki  
zokuza nongereka sinzi sawo wopopepi tava  
zi nawo kongereka,mokupangwa vadinkantu,  
yiwo vadimbi po unene posipito.

Kembo vadinkantu kudimba nonsumo donge-  
reka ntani nava resa hena Bibeli nokuka-  
nderera.Kutunda opo tava tameke nye ku-  
kwa kugavera vantu nondya.Pokumana kulya  
taava twikire hena kudimba.

Apa tali gomboka, nitante asi tundi zauha-  
mano, ukaro wovadinkantu vamwe tau tameke  
nye kugonauka monomundema.Tava kara nye va-  
vali navavali.Yigo nye mukaro gomudona ogu  
kara kovadinkantu moyipito yopakrisdte.

Poveli vadinkantu vamwe ava ninki asi nsene  
sipito sopakriste sina kara po, makura nte-  
ne pa kara muntu ogu va lininka nendi,yilyo  
nye ezuva lyolyo nava yi li pura.

Vadinkantu motundi zouheyali kovagwana kuti-  
tima kwelike nye monomundema.Kuwiza tupu  
tava dimbi po rusumo rumwe nare teete.  
Siruwo oso vakadona kovagwana nongarura de-  
like.Vamati nosiva delike monomundema.  
Mudinkantu mukwetu ove koruha rupipo wa ha-  
mene .Monzira zomomundema ndi monzira zo-  
mouseru.Jesus taku zingida naina,mungura,  
dogoro kehagero lyouzuni.

Nkenda zaTate Karunga nozamunwendi Jesusa  
nazi kare pamwe nose natu venye Amenii.

Mudinkantu mukweni

Naemi-Naironga-Nd. Henrick

## **A YI MEVULULUKO**

Meme Fenni Nkandi okwa vaFelwa mo-  
mukunda Iihanguti eti 11.7.1918.0-  
kwa putukile puyinakulu mOkapumbu.  
Osikola yaanona okwe yi hitile mO-  
nampila.

## **TWA PANDULA**

Otwa pandula unene kompito twe yi mono  
oku mu talelapo. Ndele manga inaatu mu  
pandula otatu pandula Kalunga sho e tu  
enditha nawa sigo twa thiki huka kOsoomi.

Olweendo lwetu olwa li oluwanawalela, o-  
shoka inatu mona nando uudhigu sigo twa  
thika , onkee inatu hala oku shi dhimbwa  
nando okuli. Ngashingeyi otu li manga  
moUnivesiti muHelsinki tatu ilongo elaka

Kalunga ngele okwe shi hala muAguste otatu  
yi mela lyondjila okuuka kuNiivala,  
kuUmbugantu waFinland, oku ka tameka  
eilongo lyetu hwiyaaka.

Tse otwe mu kundila unenenene AANAMIBIA  
amuhe.Otwa pumbwa wo unene omagalikaneno  
geni.

Kundweni unene

Festus Ndjimbu naMatti Shipena

Okwa li wo a sikola osikola puElim  
Okuza 1936-38, okwa kala mosikola  
yaakadhona kOmukwiyugwemanya kO-  
shigambo. Momumvo 1942-44, okwa  
kala mokuwiki mOniipa, opo 1945  
a tameke oshilonga shuulongi pu-  
Elim.Okwa yakulile wo kOniimwandi  
iiwike yimwe.Meme Fenni okwa lo-  
ngo omimvo 34, ihe nando a kala  
ethimbo ele moshilonga okwa kala  
nuunkundi, ihe okwa gwanitha nawa  
iilonga ye, ngaashi edhina lye  
Niilonga tali ti.Omusi Fenni okwa  
longo shili oshilonga shUudiakoni  
pambepo, oshoka aakulupe noohepele  
okwe ya yaklula nawa.

Meme Fenni ina hokanwa a nando, ih  
okwa li a kwatha mboka ye li  
moondjokana nando ye mwene ine  
dhi mona. Momumvo 1979 uukolele  
we owa kana, nokwiindile a pewe  
ashipundi shevululuko.Okwa li  
e shi pewa 6.12.1979.Okwa kala  
ashike mombete yuuwehame sigo  
6.12.80, nokwa yi mevululuko lyaa-  
na yaKalunga.

R.N.Nkandi

# Aaleshi taa pula

Joël A.A.Shifidi, Okahandja Box 2 327 ota pula: Ovaleshi vOmukwetu pukululeinge nawa. Moshifo Omukwetu shomwedi Mai 30 1981 shonomola 10, onda lesa mo ehokololo li li mepandja 3 tali ti: "Taa popi iilonga iinene yaKalunga melaka lyetu". Ehokololo otali popi Efi ku laPentekoste (Efiku loshipa), ndele mokati kehokololo eli onda hanga mo oitya imwe kandi yi udite nawa kutya oi li melaka lashike. Oitya ei oi li mokatendo okatitatu mepandja olo tuu olo 3 nda tonga nale "Nena onena. Atshaala tshonena". Oitya ei oya hala okutya naanaa ngahelipi? Nandi fatululiwe.

ENYAMUKULO: Mona wameme Joël, ove wa endulula eshi wa tya oitya oi li melaka lashike? Ohai ti, oloshiwambo wa. "Nena, onena otayi ti nena tuu eli, hamongula nande. Nena eli Ovaheberi 3:7. "Fimbo taku tiwa onena Ovaheberi 3:13. Taku tiwa "nena eli" Ovaheberi 3:15. Oshinima tashi ningwa mefiku tuu eli lonena ndelenee hamongula nande. "Atshaala tshonena" otashi ti nenanena efiku lonena. Oshivala eshi ngoo u lwete nena eli. Oitya ei itai popi sha vali shi dulife po opo. Enyamukulo olixupi, ndelenee ondi lwete ngoo lawana wa.

H.KAMATI OTA TI NGEYI: EPUKULULO

Ongame gumwe gwaaleshi yOmukwetu. Onda lesa mo oshipopiwa shatatekulu Jason Amakutuwa shoka she etele ndje omadhiladhilo gamwe gi ili. Oshipa nyolo shoshipopipwa shika otashi ti ngeyi: "Taa popi iilonga iinene yaKalunga melaka lyetu". Oshikalimo shoohapu ndhika nda hala okupukulula ooshika. "Aalongwa oya nya nyukwa sho ya mono Jesus a yi megulu. Ihe waalyewo tuu ngele okwa thika, oshoka pambo lyaDaniel otashi vulika satana a nwine ko omeya. Dan. 10:13; 19-21".

Oohapu dhaKalunga otadhi ti pukululathaneni noondunge adhihe nOmpisalomi nomahambelo-londjimbo. Padho onda hala okutya ngeyi: Eso lyaJesus esindano lye. Eso lya sindwa nepangelo lyalyo. Satana ke na we ompito opo a nwe Jesus omeya. Andola okwa li a hala a nwe Jesus omeya andola mombila omo inee tha a ze. Ano tse otwa tegelela Jesus omukwaniilwa te ya ta galuka. Katu na omalimbililo kutya pamwe satana a nwine ko omeya. PaDaniel ishewe sho wa gandja oohapu ndhika kamu na nande ezimba li mwe tali popi satana. Pahapu ndhika omuyengeli Mikael ota yelekwa na Jesus. Ohamba yeehamba, Omwene wOmwene., Omukwaniilwa gwaakwaniilwa, nOmuwa gwaawa. Otwe ku yuulukwa notwe ku tegelela. Ila Omuwa Jesus.

ENYAMUKULO : Omumwameme H.Kamati, ne tule po tango oohapu dhembo lyaDaniel 10:13; "omuyengelindjai gwoshilongo shaPersia okwa kondjitha ndje omasiku 21, nena Mikael, gumwe gwomaayengeli aakuluntu okwe ya okukwatha ndje, oshoka ongame awike nda kalele mo muPersia. 10:19, Okwa ti "Kalunga oku ku hole, onkee ino tila, ino piyaganekwa kusha". Sho a popi ndhika, onda mono ookondo nonda ti "Tatekulu, lombwela ndje shoka u na okulombwela ndje, ongoye wa nkondopaleke ndje"

# » swapo ke na ndumbo «

"ONGAME OMUKRISTE" iitya mbika oya popiwa komuwiliki gwa SWAPO, omusamane Sam Nuuyoma, sho a li a pulwa kaatolinkundana yehang ano "African Press Service"(APS), manga a li muNairobi shaKenya moshigongi shaapangeli yiilongo yaAfrika, petameko lyaJuli nuumvo.

## nuukriste

Omupresidende gwa SWAPO okwa popi nomuthindo kutya uupyakadhi nomaipumo mumwe ngoka ge li mUumbugantu waAfrika ngashingeyi, oge etithwa po kuufukedhi nuuluya waatiligane yomiilongo yokuUuninginino nomulandu gwawo gukapitaali. Aauninginino mbaka oya tokola okwiiyambapaleka nokwiikongela uuwanawa mokuhutula omuluudhe.

Nuuyoma okwa ekelehi lela omadhiladhilo ngoka taga ti kutya SWAPO ehanganano lyaakomunisi nomutondi guukriste ta ti: "Mbyoka iifundja iiluudhe thokothoko. Ngame omukriste niilyo oyindji yehanganano lya SWAPO oyo aakriste mwa kwatelelwa wo naasitagongalo. Tse katu na nande ondumbo nuukriste. Tse otatu kondjitha ashike omulandu gwomahepeko nethindilo kongudhi ngoka gwa tulilwa po okuhutula omuluudhe".

Nuuyoma okwa shongo aakriste aatiligane yomiilongo yokUuninginino a ti: "Aakriste aatiligane yokUuninginino oye na okuhogolola ngele otaa igameke kokupopila omulandu gwomahepeko ngoka taga taandelithwa komilandu dhawo dhuukapitali okuhepeka aaluudhe yomuNamibia nomuSouth Africa, nenge oku gu kondjitha noku gu pangula".

Okwa tsikile ko ta ti: "Aakriste aatiligane mboka kaa ye na ko na sha nomahepeko gaantu ngoka taga ningilwa ongundu onewe yaaluudhe molwomulandupangelo gwa SA kaye shi ashike aafudhime, ndele oye na ondjo noshitopolwa momadhipago nomehulikopo lyoludhi, lwaaluudhe ndyoka tali ningwa kepangelo ndyoka".

"Tse otu shi shi nawa kutya Amerika ota kambadhala okuhaula oshitokolitho shiigwanahanganano 435, opo a popile nokugamena uuthemba waatiligane. Osho wo otwa tseyana nawa kutya omalundululo ngoka taku dhiladhilwa ga nin gwe mOshitokolitho 435, oga dhiladhilwa okugamena omahanganano goongeshefa niipindi yaAmerika muNamibia", osho Nuuyoma a ti.

Omusmane Nuuyoma okwa tsikile ta ti: "Oshinima oshinene osho shoka kutya Amerika niilongo iikwawo iinankondo yokUuninginino, mbyoka ya li yi na ando okupopila uudemokoli oyi ilongelkidha okuyululula omakankameno gawo gopaudemokoli moshinima shaNamibia, moka omayovi nomayovi gaaluudhe taa hepekwa, opo ya kaleke po omulandu gwomahupiulo gwana uuyuuki".

Okwa ti: "Manga ngaa okatongotongo inaaka kuthwa po mu SA noka pingenge komulandu gwopaudemokolo muNamibia, omahanganano noongeshefa dhiilongo yokUuninginino odhi li ashike moshiponga".

Omusamane Nuuyoma okwa pandula nesimaneko oongeleka dhimwe dhomuNamibia ndhoka tadhi kondjitha oktaongo a ti:

"Dho otadhi longo oshilonga sha simana nokukondjitha okwaanuyuki, hoka naJesus Kristus ye mwene kwa li e na oku ku pangula,".

Ihe oo ngeleka dhimwe dhomoshilongo ndhoka tadhi popile okayoya okwe dhi pangula a ti: "Otadhi popile epangelo lyokatongotongo montaneho sho tadhi uvitha uuteolohi wetopagulo"

Nuuyoma okwa pandula wo nesimaneko enene Oraata yOongeleka mUuyuni(WCC), Ongangahanganano yAakwalutheri mUuyuni(LWF); nOongeleka onkwawo dhilwe omolwomakwatho gadho gokupopila ongununtu ngoka hadhi ga ningile aafadhukipo mboka ya yi ondapo omolwonyanya yepangel lya SA.

## OTU KU NINE OILONGA

PAULINUM, OFIKOLA YOUFITA OTAI  
PUMBWA OMUNHU, OMUKAINHU ILE  
OMULUMENHU, E NA ESHIIVO MOKU-  
DIININA OMAMBO OINIWE NOKU SHI  
OKUTOPATOPA.

NA KAL'E E SHI ELAKA LOSHIINGI-  
LISA. ELI OMUKRISTELELA NOKU NA  
ETILOKALUNGA, E SHI OKULINEEKELWA  
NOKU NA EHALO LIWA OKUYAKULA O-  
NGELEKA YAKRISTUS MUNAMIBTA.

OMAINDILO AESHE NAA YUKIFWE:

KOMUKULUNHUFIKOLA WAPPAULINUM  
OSHAKO 1005 KARIBIB 9000  
N A M I B I A

## » OOKUUME AAHOLIKE!

Ookuume Aaholike

kOmumbisofi Dumeni, kaanashilonga  
yalwe mongeleka Aasoomi, nokAana-  
ndjokwe ayehe.

Oh; onda kumwa shili unene sho mwa  
dhimbulukwa ndje mesiku lyandje  
lyokugwanitha omimvo 90. Otandi pa-  
ndula unene noonkondo! Iyaloo!  
Kalunga ne mu pe eyambeko lye mo-  
lwohole yeni ya tya ngaaka.

Otandi mu halele wo egameno lya-  
Kalunga muudhigu weni auhe sigo iita  
netondathano tayi mwena. Kalunga ta  
vuvu omagalikano geni nota humbata  
ta kwatha aantu ye. Inekeleni Omuwa.

Otandi mu dhimbulukwa wo koshipala  
shaKalunga moku mu galikanena. One  
nangame katu na we emonathano muu-  
yuni muka, ihe otatu ka monathaneni  
megumbo lyaTate megulu. Imbeni eimbilo  
113 muImbileni Omuwa. "To ka mona ndje  
tuu pOmuwa". Omukulupe ota tegelele  
nota pula: Uunake, Omuwa to ithana  
ndje ko? Kundweni nEpistoli kAakolosa  
1:11-14. Ombili yaKalunga nayi kale na-  
ne.

Omukweni  
Lyyli Levänen

## LWF A DHIMBULUKWA

Aakuluntu yOngongahangano yAakwalutheri  
mUuyuni(LWF), omupresidende omumbisofi  
Josia Kibira naAmushangandjai Dr. Carl  
Mau, mokudhimbulukwa oomvula 10 dha pi-  
ti po okuza kokunyolwa kombapila yomo-  
ntaneho yeti 30 Juni 1971, oya tumine  
ELK na ELOK etumwalaka ndyoka ye li sha-  
ina ayehe yaali tali ti:-

"Ongongahangano yAakwalutheri otayi dhi-  
mbulukwa pamwe nane evalo etimulongo  
lyombapila yomontaneho yeti 30 Juni  
1971, ndjoka ya li ya shainwa komumbi-  
sofi Leonard Auala nokomuwilikingeleki  
Paulus Gowaseb, peha lyomapangelongele-  
ki goongeleki ndhika mbali. Ombapila  
ndjiyaka ya li ya nyolelwa oministeli  
yotango yopethimbo ndiyaka B.J. Vorster  
oya li ekatukonkatu lyomungunda okute  
neneka puuyeleele ondjuulukwe yaantu yeni  
okuyuulukwa emanguluko nuuthemba womuntu  
Tse otu uvite nayi sho konima yoomvula  
10, ondjuulukwe indilo ndyoka lya li  
lya ningwa mombapila ndjoka inaali ya-  
mukulwa.

LWF pamwe noongelekishilyo ota tsikile  
okugalikanene oongeleki dheni noshi-  
longo sheni. Mokukala kwetu pamwe nane  
amuhe mekondjo neitulomo, tse otwa te-  
gelela nondjuulukwe esiku uuna omatega-  
meno ngoka ga li ga hololwa mombapila  
ndjiyaka taga tsakanithwa, ga ninge  
goshil.

Otatu mu kundu noohapu dhOmupisalami;  
Eps. 121:8: "OMUWA OTA GAMENE OKUPITA  
KWOYE NOKUYAMO KWOYE, ONENA NAALUHE-  
LUHE".

### OMUKWETU

Oye eshife shOngeleka Onkwae-  
vaangeli paLuther yemOwambe-  
kavango.

Ohashi nyanyangidhwa mOshinya-  
nyangidhe shOngeleka, ELOK,  
mOniipa.

Omukuluntu gweshife emumbisofi  
K. Dumeni.

Ondande yOmukwetu R2-60 komumvo  
muAfrica. Kombanda yemafuta  
R5-00. Omabesitelo naga tumwe  
kOmukwetu.

Ev. Luth. Owambekavango Church Press  
Private Bag 2013 Ondangwa 9000